

LESERBRIEF

„A Lösung und koa Gschroa“

Zu „Denkmalschutz zerbröselte wie Brucknbeton“ vom 17. Juli:

Oiso Trassn-, äh Bruckenmanderl, dass de meistn Brucka koa Trassn durch d' Stod hom woin und ned no mehr Verkehr nach Bruck ziagn woin, muasst jetzt endli zur Kenntnis nemma. Wenn Du mit Deina Zeitungsmannschaft a Trass' wuist, dann hoi

an Sponsor und lass de arma Straßenplana vo Freising ned no amoï umasunst arbatn. Des nervt de fei scho seit 50 Jahr, oiwei ned dazoibare Tunnellösungen z' plana! Mia ham nua 15 Prozent Durchgangsverkehr vo außahoib und des is hoit zweng für a Trassn, oda für an Tunnel!

Und übrigens: De Bebauung am Rasso hot de CSU/FW-Mehrheit extrig gegen

den Willen vo de Trassengegna do hi plant, damit de Deichenstegtrassn no mögli is. Muast hoit genau wie de Emmeringer ned nur meckern und plärn, sondern a a bissl aufpassn und mitdenga, zefix. Und jetzt lass uns endli sinnvoi am Verkehrsproblem arbatn. Mia brauch a Lösung und koa Gschroa!

Da Buagamoasta Pleil
Fürstenfeldbruck